

اداره خانه

باب عالی جاده سنده دائره مخصوصه

آبونه شرائطی

ممالك عثمانیه ده سنه لکی (۶۵)، التي
آیلغی (۳۵) غروشدرد. ممالك اجنبیه ده
سنه لکی (۱۷)، التي آیلغی (۹) فرانقدر.
[يضاحات: نسخه سی الی پاره، التي
آیلغی بر جلد، هر جلد ۲۶ نسخه در.]

اخطارات

§ آبونه بدلی پشیندر،
§ آدرس تبدیلنده قرق پاره لک
بول کوندردلی در.
§ مسلكه موافق آثار مع الممنونیه
قبول اولنور. درج ایدیلمه یازیلر
اعاده اولونماز.

المجله

۱۳۳۰

دینی، علمی، ادبی، سیاسی هفته لک مجموعه اسلامی در

اخطارات

رساله مزردن آلدیغی کوسترملک شرطیله
بتون یازیلر هر هالکی بر غننه طرفندن
اقتباس اولونه بیلیر.

§

مکتوبلرک، امضالرک واضح و اوقوناقلی
اولسی و آبونه صره نومروسنی محتوی
بولونمسی؛

§

ممالك اجنبیه ایچون آبونه اولانلرک
آدرس لرینک فرانسرجه سی ده یازلمسی؛

§

پاره کوندردلیکی زمان نه یه دائر اولدیغنک
واضحاً بیلدیرلمسی رجا اولنور.

اتبعون اهدکم سبیل الرشاد

والله یهدی من یشاء الی صراط مستقیم

صاحب و مدیر مسئول: ح. اشرف ادیب

۲ جمادی الاخره ۱۳۳۱ پنجشنبه ۲۵ نیسان ۱۳۲۹

عدد ۲۴۳

جلد ۱۰

وقت ، هیچ بر زمان اسکی دماغلرک ویره جکی تربیه تعصبه قارشو سرفرور ایتمک طرفداری دکدر . فقط بوخصوصده ابراز ایده جکی فداکارلغک هنوز زمانی وزود ایتمدیگه قائل بوانیور وسونمش برامید ایله مقام عائدندن لازمکلان تشبثاتک وقوعه انتظار اییدیور .

فاتح : طلبة علومدن استروجهلی :

ص . نکی

ادبیات

صوک اذان

مشوره

بر عصره طوغرو قوشان مدت حیاتنک بوتون مزاج و آلامی ، بوتون حظوظ وشطارتی ؛ اکا بر آق صقال ، برده پاک بوره کازاندیرمشدی بواکی مبارک خزیننه نک نکجهان صیت وشرقی ارلان کوزلری ؛ عینی زمانده اولنردهکی فلسفه قدسیه بی محیطه تبلیغ ایدن ایکی روزن شفاکاره بکزر ایدی ؛ کنارلندن طاشان معنای صفوت وخلوصی اوة یا بیلنلر ، بر آن ایچین اولسون . سعادت وفلاکتک شهر امتزاجی تجسیم ایدن برتمثال زنده موجود بولونوغنه قائم اولمق ایستلردی

اونک بوتون سعادت حیاتی ایکی مقدس کلمه ده تکشیف ایتمک پاک قابلدی : ایمان واذان . ایماندهکی قدرت ومنتاقی آکلامن ایسته یئیلر ؛ بویوک بورغونلاره نامزد اولازلر . او ؛ « الحمدلله ، مؤمن ، مسلمانم ، یوره کده نور ایمان وار ! » دییه اعلائی کلمه ایمان ایدرکن بوتون ظلام شکوک واهوامی اریتن برمعنویت منوره یه بورونور .

یدی یاشندن اعتباراً باشلادینی اذان ادمانلری ؛ اک نهایت ارنی مراد سلیمنه ایردیرمش ، سابیوست بر مناره نک مؤذنلکته اصعاد ایتمشدی . اون بشچی سال حیاتندن بدأ ایدن بومشغله نورانور ، اوکولرده آلتمشچی سنه دوریه سنه قاووشمق ایچون حاضرلانیوردی . آلتمش سنه اک مؤذن ؛ کندی حضور وجداننده مظهر تبریک وتسعید اولدقدن صکرا انسانلردن بکله دیکی التفات ؛ یالکیز اوقدرجق برشی ایدی ، اوت ، اوکا « آلتمش سنه اک مؤذنر . پاک مبارک برذاتدر . » دییه بیلینلر ، ایسته اقدر آق صقاک سر وجودنی یالکیز سعادتده می آرامالی ، اونک رنگ کفیننده فلاکتکده بر حصه عاملیتی یوقی در ؟ فلاکتسز سعادت می اولور ؛ پاک انلا واردر . اختیارک بوتون ماجرای مصائبی ده شو ایکی کلمه نک سیننه جهیمسنه دنن ایدیورلم : ظلم وکفر

او ، فرق سنه قدر اول (سروی) دن هجرت ایدرکن بواکی تعبیرک ادا ایندیکی معالردهکی خشونت عقوره بی پاک آجی بر صبر رتده طامش واوندن صوکر ا حیاتک بوتون المرنی ، بوتون سقوطلرنی اولنرله ایضاه قرار ویرمش ایدی .

محاربه اعلان ایدیلیز ایدلر کواکی یازیله رق حدوده قوشمق ایسته دی ، فقط آلتمش سنه اک مناره سندن برتورلو آیریلما دی اونک لاهوتی مقامندن ، « بوی پاه سندن کواکلره سکینتلر یاغدیرمقده بر نوع کواکللیک اولاجقنی دوشوندی . روح بلالی شاد ایدمک بر ایدی باند ایله اذانلرنده دوام ایتمدی : الله اکبر ، الله اکبر

شهر محاصره ایدلکدن صوکر « ظلم وکفر » ک سیله خوار قدیمی

اولان اختیار مؤذنک حال وطورندکی فوق العاده لک هر کسک نظر دقتنی جلبه باشلامشدی اونک اذانلرنده جوشان ارلان معنای ثبات ومتازت هر ویتکندن زیاده بایغ وسطرتلی ایدی ؛ دیگر طرفدن قاج کرملر ، اونک اذان اوقورکن آغلادیقنی کورنلر بولوندی : متانت خزیننه

کونلر کچیور ، شهرک اطرافندهکی حرص افتراس کیتدیکه قودو یور ، کیتدیکه صالدریوردی . محصورین ، اذانلرک سکینتکار تلقینات والهاماتیه بوتون هیجانلره ، بوتون قورقوله غلبه چالاری امین ووقور مدافعه ایدیورلردی .

صوک کونلر یاقلاشدی صوک امللرده جیشدی . محاصرلر ، امیده قاووشمق ایچون امیدسزلکک آیاغنه دوش مشلر ، اونک توصیه ایتمیکی صولت مجنونانه ایله بوتون بوتون قودورمشلردی . محصورینک آب وتاب حیت وهمی ده اونسبتده یوکسه لمشدی ، جنت ایله جهنمک بو تصادم مدهشی ، پاک آتشین و خونین اولوبوردی . کورک کورله ملرنی تنظیر ایدن طوب سسلری ؛ اک صوغوق قانی یوره کاردی بیله ییلدیریملر تکون ایدیورلردی .

صوک کونلرده ادرنه نک جبهه قر تابنده بر شیلر اوقومغه باشلایان اختیار مؤذن ؛ ارسباح بر معتاد بویلی دکککنی قولوغنه آلارق اوطه سندن چیقیدی ، مناره یه قدر ارلان مسافه بی ، اذانک متدس کلرلیله تنویر ایدمک قطع ایدم بیلوردی . اوکا بوکونلرده بر حال کلشیدی ؛ یوردورکن ، اوطورورکن ، قاقارکن ، حاصلی هر آن اذان اوقومق ایسته یوردی . نهایت مناره قابوسنه کلدی . یاواش یاواش . دوشونه دوشونه نردبانلردن چیقمنه باشلادی . فقط اون یوقارویه طوغرو چکن ، اوکا بر کنجک شتابی توصیه ایدن بر قوت واردی ؛ آیریلرنی صیقلاشدیردی ؛ بر هیجان ایمان ایله یوکسلیوردی . نهایت آلتمش سنه اک مقام قدسی فائمه ایریشدی . اختیار کوزلرینک بوتون نردیخی بر آرایه طویلابه رق « ادرنه » بی متحرانه مشتاقانه سوزدی . ایدن صوکر ا قلبی دیکلمک باشلادی ، چونکه اوراده بر فوران ، برقان واردی ، بریانین واردی ؛ بویانغینک نه دیمک ایسته دیکنی آکلامق ایچون باشنی کوکسنه طوغری اکدی . بیاض صقالی سیننه سنی اوقشایور ، اوندن نالر طوبدوغنی صورویوردی .

— نهک وار سویله ؛ بو آراسزلق نهدن . بوجوشقوناق نهدن ، بو یانغین نهدن ؟

— سویله دیورم ، سنک بوتون مسعودیتلریکی ، بوتون فلاکتلریکی یوکله نین دکلیم . آراسزده آبریلیق وارمی ؟ بویاض رنگ ، سنک قیمتلی یادکارک دکلیم ؟

— سویله ، لسانه کل ، انصافه کل ، سنی حق یولنه دعوت ایدیورم . بوجوشقوناق نهدن ؟

قلب ، جوابی کوزلره قودیمق ایتمشدی . خنجقرقلری متعاقب بیاض صقال کوز یاشلریله ایصلاندی ؛ اک صمیمی بر جوابه مظهریتک ویردیکی سکینت ایله باشنی قالدیردی :

« ادرنه ، ای جاغلرک ، تر به لک ، ساطانلرک ، مناره لک و مناره مک تاج وتختی اولان ادرنه ؛ سندن آیریله جقمی بز ؟ سنی بزدن غصب ایدم جکرمی ؟ ظلم وکفر ؛ سنی ده ، سنی ده می ای حرم اسلامیت ، سنی ده می صولدوراجق ؟ » مناره نک تا دیپنده باطلایان کلدن باشنه جواب ویرن اولمادی . قیلردن باشقه سویله بن یوق . اختیار ، بومشعیرس جوابه تلغینکار بر نظر فیرلانندی ، خطابه سنه دوام ایتمدی :

— « حضرت محمد اولدیه تکریمی باقی در ، » ده بن ، بویینک اعظم سندر ، ادرنه کیدیورسه اذانی باقیدر :

الله اکبر ، الله اکبر . . .

« الصلاة خیر من النوم » دییه باغیردکن بوتون عالم اسلامک خر خره

مقامی ایشیدیر کی اولدی ؛ برآز طور دی ؛ عثمانلی طویرینک ولوله رعد
پسندی ایله کولکی اوقشادی . . دوام ایتدی :

الله اکبر، الله اکبر، والله...

صوکرا مان مردیولردن قوشه قوشه ایتدی . سنه لردنبری « ظلم
وکفر » . مقابله ایچین اوطه سنک رکوشه سنده بکلتدیکی دهدهل کاری
قیلجی قوشاندی ؛ سونکو سونکویه چارپشان تهرمانلره التحاق ایتدی ،
او ، آق صفایله ، پاک بوره کیله یتش بش سنه نک بو ایکی خزانه جهان
قیمتیه دشمناریته ، ظلم وکفره صالدیرکن لساندن ده :
— الله اکبر ، الله اکبر

کله لری جوشیوردی !
عبداللطیف نوزاد

فکرائیت

هنرستانه مجار محصوره :

هند یولنده

۲۹

قومیت — نفاق و شقاق خمیری

انکلیزجه ده بر ضرب المثل وارکه ، جدا بزه بر درس عبرت ویره بیایر .
بوده « تفرقه تخمین الک ، ایکی به آیر ، صوکره حکم اول ! » سوزلردن
عبارتدر . دیه بیایم که برجهان معنایی محتوی اولان بالاده کی تمیلدن بزه قدر
حصه و عبرت آله مامشدر .

اولکی مقاله لرمک برنده عربلق — تورکک مسئله سنک نره دن نبعان ایتدیکی
و بونک اسباب غیر معقوله سنی ، عوامل و مؤثراتی برر برر عرض و بیان
ایتشیدیم . قارلرک خاطر لرنده اولسه کرکدرکه ، بومسئله یکرمی بش سنه دن اول
اجنبی بر حکومتک تشویقات و القائیه مصرده باش کوسترمش و برخلاف عربیه
تأسیسی ایچون پروپاگاندا لار ، پروپاگانداچیلر ، بیاننامه لره ، صورت خصوصیه ده
حسیات و وجدانلری ، قلملری ، ذلاقت لسانیه لری پاره مقالنده صاتون آلتان
آدملر صور مختلفه ایله استعمال اولندیلر . عدنه ، یمنه ، حجازه ، عراقه ،
ابن الرشیده مخصوص آدملر کوندرلدی . سوزلر ، وعدلر ویرلدی . آندلر ایچیلدی ،
و یتقه لر تعاطی ایدلدی . فقط او زمانکی تشبثاتی هر فصله یتنه زمین و زمان ایله
متشبثلرک احتراصات و اخلاق لقلری عقیم بر اقدی . عینی زمانده مات محبیه
عربه منسوب اولان دوربین و حقایق شناس بر جوق رؤسای قبایل ، علمای اعلام ،
اشراف کرام ایدیلان مساعیه ، سولیتیلن لاقیدیلره اهمیت و ربوب اشتراک
ایتمیدیلر . چونکه بوتشبلرک آلتنده اجنبی پارماغنک اوینادیفنی و اوکی یالدرلره
بورونوب ، شغشقه لسانیه دن بشقه بر شی اولمایان بیاناتک زهر آلود برنسنه
اولدیفنی حقیقه تعین و تشخیص ایشلردی .

اعلان مشروطیتدن برایکی سنه صوکره بوجریان شکری العسلی قومپانیه سنک
همتیه تکرار میدان آلفه باشلادی . کیت کیده یتنه ایش مصرده کی فسادچیلرک
النه دوشدی . بوسفر ایسه اولکندن ده زیاد فعالیتله افساد ائده بولندیلر .
بو ساری علت آز مدت صکره پارسه ، اسریمجره یه تحصیل ایچون کیدن
بلاد عربیه طلبه لری ایچنه — عزت هولونک پاره سی سایه سنده — مزایات ایتدی .
در حال عربلرک حقوق مفصوبه سنی استحصالی و مطالبه ایچون خفی و علنی
قومیتلر ، مذکور قومیتلرله جمعیتلرک آمال نامشروع لری ترویج ایچون مصرده
و سوریه ده منتشر معلوم الغرض غزله مروج افکار اتخاذ اولندی .

ارناودلرک قیامیه کی قایینه نک سرکاره کلسی اوزرینه حکومت عثمانیه ضعه
دوچار اولنجه ، بونکرده بولناتلرک یوزی کولشیدی . چونکه بولانلیق صوده
بالیق آلامتی ایستیانلر ایچون بوندن ده ایی بر فرصت تصور اولنه مزدی .

حکومت ، عموم ملت دشمن بی امان ایله پنجه لشمکده ایکن منفعت پرست
جاه طلب بر قاج سوریه لی فرصتدن استفاده ایتک املیه سوریه ایچنده بر ولوله
قرپاروب ، جیلغیلرک انواعی ارتکاب ایلکدن حیا ایلدیلر .

ایلمک اوچکه اصلاحات ، برآز صوکره توسیع مأذونیت ، بر قاج کون صوکره
عدم مرکزیت پرده سی آلتنده استقلال اداری رداخلی طلبنده بولندیلر . بونی
طلب ایدنلر عقلای ملت اولیوب یالکر حرص و هوس پشند قوشان بر قاج
سرسریدن بشقه دکدرلر . اساساً بو حاللره ، کورولتیلره اک زیاده میدان ویرنلر
وقتیه اورالرده بولان وایلدرلرک بیروت والی سابق ادهم بک باشایچه اهلی یه
تشویقات و ترغیباتده بولنقدن کندیسنی منع ایده مدی . برکت ویرسون که
شعار نقوی و دیات اسلامیه ایله طیان طبانه مخالف اولان اجرات اخیره نندن
اهالی مسلمه بوسبوتون کندیسندن یوز چو مک مجبوریتده قالدیلرندن عزانی
موجب اولدی وکندی رفقا سنه الحاق ایچون مان مصر یولنی اولجیدی .

عثمانلی قایینه سی ایسه شو صوکنجی انقلاب اوزرینه مصره انتقال ایدنجه
سوریه دن و سائر نقطه لردن ده کندیلرینه مسلکدش اولانلرک التحاق ایلدیه
(استقلال عرب) قومیتیه سی یکیدن کسب فعالیت ایتکه باشلادی . ال آتندن
بونلره هر درلو معاوننده بولنان (المؤید) غزته سی صاحب امتیاز سابق و حال
حاضرده خدیوک لطفنه اوغرامق سایه سنده ، (وفایه) طریق سجاد نشینلکیله
سیادت (!) لقبه نائل اولان شیخ علی یوسف — که شیمدی السید علی
یوسف اولمشدر — و آکا مائل مقرضلر ، پیدرپی بیاننامه لره ، قصیده لره ، منشور
و منظوم رساله لری باصدیروب بلاد عربیه یه کوندرمکدن فراغت ایتدیلر .
بو قدرلده . اکتفا ایتیه رک ، برای وظیفه استانبولدن عربستانه کوندریلن
بعض اخلاق مزلی الیه ایدره رک اوتیه برویه ، قبائلک جوخه بولنان محارره
اعزام ایتکی اونوتدیلر .

فقط حمد اولسون ، جناب حقه شکرلر اولسون بویایره جیلرک کورولتیلرندن
هیچ بر فنا تأثیر و مضرت حاصل اولماش و بالکس کندی سوء نیت و طینتلرخی
میدانه قومقدن بشقه بر شیته موافق اولدیلر .

بوکون خطه عراقیه نک وحق جهان اسلامینک اک برنجی بر رکنی اولان
بغداد نقیب الاشرافی حضرتلریله بوتون افراد عالمه سی ، وجود ذیجودلریله دائماً
عالم اسلامینک افتخار ایلدیکی خطه عراقیه عهده ای اسلام و مجتهدین کرامی ،
سادات عظام ، رؤسای قبائل و عشایر ذوی الاحترام . ده طوغریسی عقلی باشنده
بولنوبده کندیسنی طایان اهالی صادقه و مات نجیبه قیامیه بو آلتی بایره جیلرک
تشبثات ایمانه و مفسدانه لردن بری و بیزار بولنقدن درلر .

اوت ، بوجر بقرک دومانی هواده صافلام برمتاع ، خولیا پشند طولاشمقدلرخی
هرچو جوق بیله اکلامشدر . نته کیم بالاده عرض ایلدیکم ذوات کرام مفسدلرک
افکار سخیفه لرینه لعنت خون اولدیلرندن ماعدا ، عینی زمانده بوسفیلرک رغمنه
اوله رق ، کندی وظیفه دینیه و مایه لری اولان وظایفی یفا ایتکدن کری قالدیلر .
شویله که بوشاده حاصل الان هر درلو سوء تفهملرک ازاله سیله دولت علیه
ومات عثمانیه یه یاردم ایتک بوتون کره ارض مسلمانی اوزرینه بوصیره دی فرض
وراجب اولدیننه دائر اولان فتاوی صریحه شریفه خطه عراقیه ده کی نقیب
حضرتلریله سنی ، شیعی علما و مجتهدلری حضرتی طرفندن اصدار اولمشدر .

بغداد والیسی ذکی پاشا حضرتلری ایسه فتاوی مذکور نک طبعیه مجانا عموم
بلاد اسلامیه یه ارسالی لزومی تنسیب ایلدیلر . کله جک هفته پوسته سیله کوندره جکم
مقاله یه لقا مذکور فتوالرک بطبوع نسخه سی انشاء اداره یه تقدیم ایده جکم .
فتاوی مذکور نک استحصالیله امضا و تمهیری ایچون خطه عراقیه واعظی
کردستانلی شیخ حسن افندیلرک ده آر زحمت و وظیفه شناسانی سبقت ایتدیکی کی
الرهور جریده فریده سنک صاحب شیخ رشید افندیلرک ده معوی فداکارانی
شایان تشکر در .

ایشته اکلاشیلیورکه بوکون عربلق — تورکک مازغاندن اثریله یوقدر .